



Laura Táunâjik
Inatsisartunut ilaasortaq, Siumut

Inatsisartut suleriaasianni § 37 naapertorlugu atuartitsinermi platformit digitaliusut atorneqartarneri pilugit apeqqutinut akissutit

08-12-2017
Sagsnr.
Dok. nr. 6734704

Asasara Laura Táunâjik,

Apeqquitiit Inatsisartut suleriaasiani aalajangersakkat naapertorlugit saqqummiussatit qujassutigaakka. Taakkualu uani ataani akissuteqarfigissavakka.

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

1. Atuartitsinermi platformit digitaliusut pisiarinissaannut suliffeqarfiit nunatsinneersut suut isumaqatigiissuteqarfigineqarsimappat?

Akissut

Piffissami matumani Ilinniartitaanermut Aqutsisoqarfik isumaqatigiissuteqanngilaq suliffeqarfinnut nunatsinni angerlarsimaffeqartunut, atuartitsinermi atugassanik platforminut digitaliusunut tunngatillugu.

2. Atuartitsinermi platformit digitaliusut pisiarinissaannut suliffeqarfiit Danmarkimeersut suut isumaqatigiissuteqarfigineqarsimappat?

Akissut

Ilinniartitaanermut Aqutsisoqarfik/Ilinniusiorfik, Savalimmiormiut Naqiterisitsisarfiutaat peqatigalugu danskit naqiterisitsisarfiutaannut Alinea-mut isumaqatigiissuteqarsimapput. Isumaqatigiissummi siunertaavoq Ilinniusiorfiup nammineq saqqummersittagaasa atuakkat ilinniutit, atuakkat sulinermi atorneqartartut aamma atuakkat tunngaviusut digitalinngortinneqarnissaat immikkoortuni digitaliusuni inissisimasussanngorlugit.

Ilinniusiorfiullu aamma saqqummersissimavai quppersakkani atuartitsinermi atortussat, www.asimi.gl aammalu maanna inaarsarlugit assigisaat www.nunami.gl -imi. Taakkua tamarmik quppersakkani ilinniartitsinermi atugassatut suliaapput, nunatsinni pinngortitamut aamma nunarsuatsinni nunanut tunngasumik nunalerutit, immikkut meeqqat atuarianni atugassagut suliaasut. Quppersakkat taakkua arlariit ilaatigut quppersakkaniittussanik atuartitsinermi atortussianik imaqarput, aamma naqitanik atortussanik ilaqarlutik, ilaatigut allattarfiit matusakkat aamma allagartarsuit. Suliniutit taakkua suliarineqarneranni Ilinniusiorfik nioqutissianut aqutsisuusimavoq, ilaatigut ilusilersuisartunut- grafikerinut, assiliartalersuisartunut, kukkunersiuillutik naqitassanik atuaasartut, nutserisut, naqiterisitsisarfinnut kiisalu illup avataani siunnersortinut, pinngortitamut tunngasunik suliani oqaasertalersuisartunut attaveqartuulluni.

3. Naalackersuisut Atuartitsinermit platformit digitaliusut pillugit suliffeqarfinnik Danmarkimeersunik suleqateqarnerminni isumannaarsimanerpaat isumaqatigiissuteqannginnerminni suliffeqarfik ukiuni pingasunik atasimansoq, kiisalu ukiuni pingasuni sinneqartooruteqarluni ingerlasimansoq?

Akissut

Isumaqatigiissutit qarasaasiatigut attaveqaatinut tunngasut suliffeqarfinnut pineqartunut isumaqatigiissutigineqarsimapput, taakku ukiuni amerlasuuni suleqatigisarsimaneri tunuliaqutaralugit, taamaattumillu annerusunik misissussallugu pisariaqarsimanani.

4. Atortussiat ataasiakkaat pisiarineri qanoq akeqarpat, kiisalu atuarfiit ukiumut qanoq aningaasartuuteqartassappat?

Akissut

Alinea-mut isumaqatigiissuteqartoqarpoq suliamut ataasiartamik kiffartuussinermit akiligassartaqartumik 1.380.000 kr.-inik annertussusilimmik, kiisalu ukiumut 280.000 kr.-inik nalilimmik, 2018-imiit allanngortussamik ukiumut 330.000 kr.-inut qarasaasiatigut offline-iusumik platform-imik tunniussinermit.

www.asimi.gl kiisalu ilassutitut atortussat akeqarsimapput katillugit 3.021.592 kr.-inik ukiuni 2011-2017, taavalu www.nunami.gl katillugit akeqarsimalluni 900.302 kr.-inik ukiuni 2011-2017. Akini taakkunani ilaapput grafikerit, ilusilersuisartut, kukkuniiaasartut, nutserisut, naqitserisartut kiisalu siunnersortit avataaneersut pinngortitamut tunngasunik ilikkagassanut suliassaqarfinni taaguutinik suliaqarnernut tunngatillugu.

Atuarfiit aningaasartuuteqanngillat platform-inik pineqartunik atuinerminnut.

5. Kalaallisut nutserneqarsimappata, nutserneri qanoq akeqarpat?

Akissut

Ilinniusiorfiup saqqummersitai tamarmik kalaallisut aamma danskisut pipput, tak. meeqqat atuarfiat pillugu inatsimmi atuartitsinermit oqaatsit pillugit paasinninnermut nassuiaatit, aammalu soorlu apeqqummi 4-mi allaaserineqartutut platforminik nutserineq aningaasartuutini tamarmiusuni ilaavoq, immikkoortikkuminaallunilu, nutserineq Ilinniusiorfimmi aqqqissuisunit ingerlanneqarmat.

6. Naalackersuisut eqqarsaatersuutiginerpaat suliffeqarfinnik kalaalit nunaaneersunik Atuartitsinermit platformit digitaliusut eqqarsaatigalugit suleqarsinnaanissartik?

Akissut

Isumaliutersuuteqanngilaq tigussaasunik ilinniartitsinermit atortunik digitaliseeriinissamik, suliffeqarfinnik najugaqavissunik suleqateqarluni ingerlanneqartussamik. Taamaattoq neqeroortitsinermit ataatsimik suliaqartitsisoqarsimavoq akiusunik periarfissanillu nalilersuisinnaajumalluni,

naqiterisitsisarfimmi apps-inik atuisinnaanermut, siunissami ingerlatsinissamut atatillugu.

7. Siornatigut Namminersornerullutik Oqartussat Adobe Connect Pro pisiarisimavaat, tamannalu tunngavigalugu apererusuppunga alimasissumik atuartitsinermi taanna qanoq atungaatinersaq?

Akissut

Adobe Connect Pro ilinniartitsinermit ingerlatsiviit ilaanni atornerqartarpoq ilaatigut ungasissumiit atuartitsisarnernut atatillugu. Ilinniartitsinermit ingerlatsiviit tulliuuttut siusinnerusukkut/imaluunniit maanna Adobe Connect atortarpaat ungasissumiit atuartitsinermut, ataatsimiinnernik ingerlatsinerne imaluunniit soraarummeersitsinerne:

- Nunamut tamarmut qitiusumik ilitsersuisarfik aamma NI Nuuk ungasissumiit atuartitsisarnernut, ataatsimiinnernut aamma soraarummeernernut ACP-mik atuisimavoq.
- E-forum-ip ACP ungasissumiit atuartitsinerne/pikkorissarnernut, ataatsimiinnernut aamma qarasaasiakkut webinar-inut atortarsimavaa.
- Oqaatsinik Pikkorissarfiup ACP ungasissumiit atuartitsinerne atortarsimavaa.
- PI-p ACP ungasissumiit atuartitsinerne atortarsimavaa, pingaartumik Peqqinnissaqarfimmi sulisunik sinnerissami pikkorissaasarnernut.
- KTI-ip ACP atortarsimavaa ilitsersuinerne aamma ataatsimiinnernut ilinniartunik aamma sungiusartunik ataatsimeeqateqarluni, sungiusaammik suliffissanut tunngatillugu, ilinniakkamik taamaatitsiinnartarnermik akiuniarnermi.

Ilinniartitaanermik Aqutsisoqarfiup Adobe Connect Pro ungasissumiit atuartitsisarnernut atortarsimangilaa.

8. Qeqqata kommunea kiisalu Kommune Kujalleq atuartitsinermi iPad projektimik ukiorpaalunngortumi ingerlataqarpoq, taamaattumillu apererusunnarpoq Naalakkersuisut eqqarsaatersuuteqannginersut Kommuneqarfik Sermersooq kommunillu nutaat marluk assigusumik periarfissinneqarnissaannik aqutissiutinissamik?

Akissut

Kommunit taakkua marluk danskit aningaasaateqarfiinik suleqateqarlutik suliniummik ingerlatsippat iPads-ip atuarfinni siaruarternissaa siunertaralugu. Aamma paasissutissinneqarsimavunga kommunit sinnerisa marluk aningaasaateqarfinnut qinnuteqaasiorneq ingerlakkaat, tamatumunnga aamma tunngatillugu. Ilinniartitaanermut Aqutsisoqarfiup kommunit suleqatigalugit suliaraa ilitsersuummik ineriartortitsineq iPads-imik atuinermut atatillugu, suliniutini pineqartuni.

9. Naalakkersuisut nunaqarfinni isorliunerusunilu alimasissumit atuartitsineq, kiisalu atuartitsissutit digitaliusut siammarternissaat eqqarsaatigalugu qanoq pilersaaruteqarpat?

Akissut

Digitalimik Sullissinermut Aqutsisoqarfik ingerlatsivoq qarasaasiat iluaqutigalugit ilinniartitsinermik e-læringsplatform-imik taaneqartumik siuarsaanermik siunertanut arlalinnut sammiveqartumik, ilaatigut ilinniartitsisunik atuartitsisarnernut, taakkua nunatta suatungaaniikkaluarpataluunniit.

Ilinniartitaanermut Aqutsisoqarfik/Ilinniuisorfik saqqummersittakkaminik digitaliseeriilluni ingerlatsivoq, naatsorsuutigalugulu taakkua 2018-ip qiteqqunerani piariissasut, nunami tamarmi atorsinnaasutut.

10. Namminersornerullutik Oqartussat ilinniartitsisup pilersaarusiornermut kiisalu atuartut nalunaarsuineranut atortussiai Sammisat aamma sulisa pisiarisimavaat, taamaammallu apererusunnarpoq atuarfinnut qanoq siammarterneqarnissaannut Naalakkersuisut qanoq eqqarsaatersuuteqarnersut?

Akissut

Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup Nuummi Majoriaq suleqatigalugu ukiuni kingullerni ineriartortissimavaa ilinniartitsinermi app-i taaguuteqartitaasoq Sammisat. Suliakka aamma taamatulli app-iuvoq, oqarasuaatinut angallattakkanut smartphones-inut suliaasoq. App-ilu siullertut pingaarnertullu ineriartortitaavoq qitiusumik ingerlatsivinni Majoriani atugassasut, kisiannili paasinarsissappat app-i taanna aamma meeqqat atuarfianni imaluunniit ilinniartinni allani soqutigineqartoq, periarfissaqassaaq taanna ineriartorteqqissallugu soqutiginnittunut. Siullertut maanna aallunneqarpoq suliniutip Sammisat atortuulersinneqarnissaa nunatsinni Majoriami qitiusumik ingerlatsivinni.

11. Atuarfinni pitsaassutsimut nalunaarsuisarneq Meeqqat atuarfianni inatsimmi ilaavoq, taamaammallu apererusunnarpoq atuarfinni tamani atorneqalernissaa Naalakkersuisut qanoq eqqarsaatersuutiginaat?

Akissut

Suleqatigiissitamik pilersitsisoqarsimavoq. Kommunit tamarmik sinniisoqarput, Ilinniartitaanermullu Aqutsisoqarfiup suliat ataqatigiissaagassarai. Siunnerfiuvoq aqqissuussinermik – skabelonimik – pilersitsisoqarnissaa, kommuninit tamanit pitsaassusissanik nalunaarusiortarnernut atorneqarsinnaasumik. Ilinniartitaanermut Aqutsisoqarfiup suliniutip aallarnisarneqarnissaa aalluttussaavaa, aqutsisoqarfiullu tunuliaqutaasut teoriitiskiusut misissorlugit aallartinnikuuvai.

Ullumikkut atuarfiit pitsaassusissanut nalunaarutissatit ilutsit assigiinngitsut atorlugit suliarisarpaat, nammineq kommuniminni suliaasut.

Inussiarnersumik inuulluaqqusilluta


Doris J. Jensen